

第八冊

卷之十上

人物

直隸秦州新志



直隸秦州新志卷之十

人物 聖皇附前 列女附後

選舉之後標人物猶官師之後標名宦也人物不盡於選舉猶名宦不盡於官師也是固然矣顧其叙次煩簡之方門選分合之故所見或殊請通商權舊志因羲軒立聖皇紀因唐高祖太宗立皇帝紀因漢孝昭皇后立后妃紀皆在人物以外者也慎重則然而殊疑煩碎康對山之志武功也后稷聖人唐祖太宗帝王俱收之人物不另標題或疑

充人物之數夫使鄉里善人巍然高踞其前而漢
之李少卿趙元叔唐之權士繇乃抑而置之其下
曰不過文苑孝義而已其誰服之此輕重之反也
今故盡削諸目止次時代使觀者卽其事以定其
人人而風雅是名文苑人物人而純篤是名孝義
人物推而上至聖賢是卽聖賢之人物下至方伎
是卽方伎之人物而已矣旣息紛煩之門復絕乖
反之轍不亦可乎志人物第十列女亦人物也卽
附後列女專載節烈舊志固然也已旌者其人尚

其藝對山曰太華高羣山倚重奚藝哉今取以爲
法卽用義黃冠人物焉又舊志人物於正傳以後
復有文苑孝義等傳此史例也史以有勲業者爲
大傳其餘偏至乃分品目然史固無人物之目也
旣稱人物則德成而上藝成而下雖義無虛美而
事非一局今別文苑孝義於後豈能孝能文尙不
可稱人物乎此名實之乖也且此地名數最古賢
豪間出義黃尙已漢唐之際文武彬彬焉迄今下
衰仕宦功名亦復寥落作志者輒取鄉里善人以

娶以儷皮爲禮結網罟以教佃漁故曰宓犧氏養犧
牲以庖厨故曰庖犧有龍瑞以龍紀官號曰龍師作
二十五弦之琴木德王女媧氏亦風姓蛇身人首有
神聖之德代宓犧立號曰女希氏無草造惟作笙簧
故易不載不承五運

可泉舊志稱媧皇成紀人今其
生處或云秦州之三陽川或云

秦安之
隴城

黃帝者少典國君之子母曰附寶感電光繞斗而有
娠生帝於軒轅之邱名曰軒轅
今清水縣有軒轅谷
史紀正義云生壽邱
生有聖德時神農氏世衰諸侯相侵伐暴虐百姓而

存必錄尊 國典也未旌者旣死而後錄蓋棺論
定也亦有未死而錄之者其節尤苦也排纂舊志
博采新聞凡如干人著於篇

上古

太皞庖犧氏風姓代燧人氏繼天而王母曰華胥履
大人迹於雷澤而生庖犧於成紀蛇身人首有聖德
仰則觀象於天俯則觀法於地旁觀鳥獸之文與地
之宜近取諸身遠取諸物始畫八卦以通神明之德
以類萬物之情造書契以代結繩之政於是始制嫁

順天地之紀幽明之占死生之說存亡之難時播百
穀草木淳化鳥獸蟲蛾旁羅日月星辰水波土石金
玉勞勤心力耳目節用水火材物有土德之瑞故號
黃帝

附

唐高祖神堯皇帝諱淵字叔德姓李氏隴西成紀人
也其七世祖暲當晉末據秦涼以自王是爲涼武昭
王暲生歆歆爲沮渠蒙遜所滅歆生童耳魏宏農太
守重耳生熙金門鎮將戍於武川因畱家焉熙生天

神農氏弗能征於是軒轅乃習用干戈以征不享諸
侯咸來賓從而蚩尤最爲暴莫能伐軒轅乃修德振
兵治五氣藝五種撫萬民度四方教熊羆貔貅羆虎
以與炎帝戰於阪泉之野三戰然後得其志與蚩尤
戰於涿鹿之野禽殺之諸侯咸尊軒轅爲天子代神
農氏是爲黃帝天下有不順者黃帝從而征之平者
去之披山通道未嘗寧居遷徙往來無常處以師兵
爲營衛官名皆以雲命爲雲師置左右大監監於萬
國獲寶鼎迎日推策舉風后力牧弔先大鴻以治民

隋必亡陰結豪傑與晉陽令劉文靜謀舉大事數以大計動唐公五月起義兵六月傳檄諸郡七月誓衆發太原八月敗隋將宋老生於霍邑下臨汾絳郡九月濟河徇關中羣盜悉降十月圍長安十一月克之立隋代王侑爲皇帝改元義寧遙尊隋帝爲太上皇自爲大丞相封唐王次年二月太上皇被弑於江都五月隋帝禪位唐王王卽皇帝位國號唐改元武德自武德元年至六年隋末羣盜據州郡盜名字者以百十計或降或誅其最盛者薛舉竇建德王世充劉

賜爲幢主天賜生虎西魏時賜姓大野氏官至太尉
與李弼等八人佐周代魏有功皆爲柱國號八柱國
家周閔帝受魏禪虎已卒乃追錄其功封唐國公諡
曰襄襄公生昞襲封唐公隋安州總管柱國大將軍
卒諡曰仁仁公生高祖於長安體有三乳性寬仁襲
封唐公隋文帝命復姓李氏以爲千牛備身譙隴二
州刺史大業中歷岐州十一年拜山西河東撫慰大
使平龍門絳州賊擊退突厥十三年拜太原留守破
高陽賊時隋帝南遊江都天下皆盜唐公子世民知

岐豐皆已入秦則未知秦是秦州與否然宋封石作
蜀成紀侯亦封壤駟赤上邽侯則二人之爲秦州或
有據惟秦祖唐封少梁而宋封鄆城與秦
州無與耳鄭氏旣云秦人始依舊志存之

漢

紀信成紀人漢初爲將軍從漢王在滎陽楚攻之急

信請曰臣請誑楚可以間出於是夜出女子東門四

千餘人楚因四面擊之信乃乘王車黃屋左纛言食

盡漢王降楚楚皆呼萬歲之城東觀漢王乃與數十

騎出西門遁項羽見信問漢王安在曰已出去矣羽

怒燒殺信

於史無考舊志云是
此州人或云華州人

武周劉黑闥之屬秦王世民先後皆破平之天下

統九年立秦王為太子即內禪稱太上皇太宗貞觀

九年崩廟號高祖

武功志兼紀高祖太宗太宗生於武功故也舊秦州志兼紀高祖太

宗始謂高祖之業實太宗所成又貞觀致治之盛故也予竊意州志所重止在表明李唐一代是隴西成紀人故首叙世系必不容略若於皇帝之中拘人物之例又取功德則開元之全盛元和之中興會昌之平澤潞大中之復河隍宜悉紀之矣故於太宗謹略之

周

秦祖字子南

鄭元曰秦人

壤駟赤字子徒

鄭元曰秦人

石作蜀

字子明

史紀無注闕里志注云秦之成紀人

三人者皆孔子弟子

按孔子時

二里所皆下馬解鞍有白馬將出護兵廣上馬率數十騎馳射殺之復還解鞍臥匈奴怪之弗敢擊夜半引去後又徙隴西北地雁門雲中太守歷諸邊郡屢出擊胡行無部曲行陣就善水草頓舍人人自便不擊刀斗自衛莫府省文書但遠斥候未嘗遇害匈奴畏之士卒亦樂從武帝卽位召入爲未央尉後復以衛尉爲將軍出雁門擊匈奴軍敗議罪贖爲庶人居無何復拜右北平太守匈奴號曰漢飛將軍避之數歲不入界初廣與從弟李蔡俱爲郎事文帝景帝時

李廣隴西成紀人其先李信爲秦將逐得燕太子丹者也廣世世受射孝文十四年以良家子從軍擊胡用善射殺首虜多爲郎騎常侍數從射獵格殺猛獸文帝曰惜廣不逢時令當高祖世萬戶侯豈足道哉景帝時爲上谷太守數與匈奴戰典屬國公孫昆邪爲上泣曰李廣材氣天下無雙自負其能數與虜礪恐亡之乃徙上郡匈奴入上郡有射鵬者三人廣從百騎往馳之自射殺其二生縛其一會匈奴數千騎至廣之百騎大恐欲馳還廣令其騎轉前未到敵陣

出塞捕虜知單于所居廼自以精兵走之而令廣并
於右將軍出東道惑失道後大將軍大將軍使長史
持糒醪遺廣因問失道狀曰青欲上書報天子失軍
曲折廣未對大將軍長史急責廣之幕府上簿廣曰
諸校尉亡罪乃我自失道吾今自上簿至幕府謂其
麾下曰廣結髮與匈奴大小七十餘戰今幸出接單
于而大將軍徙廣部行回遠又迷失道豈非天哉且
廣年六十餘終不能復對刀筆之吏矣遂引刀自剄
百姓聞之皆爲垂泣明年李蔡以丞相坐侵孝景園

蔡積功至二千石武帝元狩二年代公孫宏爲丞相
蔡爲人名聲出廣下遠甚然廣不得爵邑官不過九
卿歷七郡太守前後四十餘年得賞賜輒分其麾下
飲食與士卒共之家無餘財將兵乏絕處見水土卒
不盡飲不近水不盡餐不嘗食寬緩不苛士以此愛
樂爲用其射見敵非在數十步之內度不中不發發
卽應弦而倒元狩四年大將軍驃騎將軍大擊匈奴
廣數自請行上以爲老不許良久乃許之以爲前將
軍而陰戒大將軍謂廣老數奇毋令當單于大將軍

泉張掖天漢二年貳師將三萬騎出酒泉擊右賢王
於天山召陵欲使爲貳師將輜重陵召見武臺叩頭
自請曰臣所將屯邊者皆荆楚勇士奇材劍客也願
得自當一隊以少擊衆步兵五千人涉單于庭上壯
而許之於是將其步卒五千人出居延北行三十日
至浚稽山與單于相值騎可三萬圍陵軍陵搏戰攻
之千弩俱廢應弦而倒虜還走上山漢軍追擊殺數
千人單于大驚召左右地兵八萬餘騎攻陵陵且戰
且引南行數日抵山谷中連戰士卒中矢傷三創者

壻當下吏治亦自殺不對獄廣三子曰當戶椒敢皆
爲郎上與韓嫣戲嫣少不遜當戶擊嫣嫣走於是上
以爲能當戶蚤死乃拜椒爲代郡太守皆先廣死廣
死軍中時敢從驃騎將軍擊胡左賢王力戰奪旗鼓
斬首多賜爵關內侯代廣爲郎中令當戶有遺腹子
陵

陵字少卿少爲侍中建章監善騎射愛人謙讓下士
甚得名譽武帝以爲有廣之風使將八百騎深入匈
奴二千餘里還拜爲騎都尉將勇敢五千人教射酒

以殉國家之急其素所畜積也有國士之風彼之不死實欲得當以報漢也初上遣貳師大軍出財令陵爲助兵及陵與單于相值而貳師功少上以遷誣罔欲沮貳師爲陵游說下遷腐刑久之上悔陵無救廼遣使勞賜陵餘軍得脫者陵在匈奴歲餘上遣因杆將軍公孫敖將兵深入匈奴迎陵無功還乃聽安言謂陵教單于爲兵以備漢上於是族陵家盡誅陵母弟妻子頃之蘇武使匈奴匈奴固欲降武使陵數譬曉之武固不可陵嘆曰嗟乎義士陵罪通於天矣賜

載輦兩創者將軍一創者持兵戰明日復戰斬首三千餘級引兵東南循故龍城道行四五日抵大澤葭葦中復殺虜二千餘人虜不利欲去會陵軍候管敢爲校尉所辱亡降匈奴言其實單于大喜遂遮道急攻陵居谷中虜在山上四面射矢如雨下漢軍南行未至鞬汗山一日五十萬矢皆盡卽棄車去夜半陵上馬壯士從者十餘人虜騎數千追之陵曰無面目報陛下遂降陵敗處去塞百餘里邊塞以聞上以問太史令司馬遷遷盛言陵事親孝與士信常不顧身

匈奴中國以空虛邊民大困貧由此觀之不如和親
上以問御史大夫張湯湯曰此愚儒無知山曰臣固
愚忠若湯乃詐忠上方信向湯山驟詆之上大怒使
山乘鄣爲匈奴所害

王莽字稚叔天水人昭帝初爲右將軍時燕王旦謀
逆與其姊蓋長公主通謀主報旦言所患獨大將軍
霍光與右將軍王莽會莽卒旦逆謀遂決

趙充國字翁孫隴西上邽人初以良家子善騎射補
羽林爲人沈勇有大略少好將帥之節而學兵法通

武牛羊數十頭居數歲漢與匈奴和武當歸陵置酒
別武起舞作歌泣下數行因與武決世傳陵與武贈
答詩數篇謂五言詩起於此云

趙弟上邽人以騎士從貳師將軍破宛歸至郁成郁
成王城守不肯給食且攻殺漢校尉貳師攻破郁成
其王走康居遣騎逐得之弟卽拔劍斬郁成王軍還
封新時侯

清水志有趙破奴
據漢書云太原人

狄山天水人武帝時爲博士匈奴請和親召羣臣議
山曰和親便兵者凶器未易數動今自陛下舉兵擊

以易制者以其種自有豪數相攻擊勢不壹也匈奴
欲與羌合非一世也臣恐羌變未止此且復結聯他
種宜及未然爲之備於是兩府復白遣義渠安國行
視種羌分別善惡安國以騎都尉將騎三千屯備羌
至浩亶爲虜所擊失亡車重兵器甚衆是歲神爵元
年春也時充國年七十餘上老之使御史大夫丙吉
問誰可將者充國對曰亡踰於老臣者矣上遣問焉
曰將軍度羌虜如何當用幾人充國曰百聞不如一
見兵難喻度臣願馳至金城圖上方略充國至金城

知四夷事武帝時以假司馬從貳師將軍擊匈奴大
爲奴所圍充國廼與壯士百餘人潰圍陷陣貳師引
兵隨之遂得解身被二十餘創帝親視其創拜中郎
昭帝時平武都氏復擊匈奴有功拜後將軍復與霍
光定冊立宣帝封營平侯後光祿大夫義渠安國使
行諸羌先零豪言願時渡湟水北畜牧安國以聞充
國劾安國奉使不敬是後羌人旁緣前言抵冒渡湟
水郡縣不能禁元康三年先零遂與諸羌種豪二百
餘人解仇交質盟詛上聞之以問充國對曰羌人所

武賢上嘉納之乃以書勅讓充國充國既得讓以爲
將任兵在外便宜有守以安國家迺上書謝罪因陳
兵利害其秋充國病土賜書問之遂上屯田奏充國
奏每上上輒下公卿議初是充國計者什三中什五
最後什八有詔詰前言不便者皆頓首服上以武賢
等數言當擊又因充國屯田處離散恐虜犯之兩從
其計詔武賢等出擊得數千級而充國所降復得五
千餘人詔罷兵獨充國留屯田明年五月充國乃請
罷屯兵奏可充國振旅而還後數處置羌事利害皆

須兵滿萬騎欲渡河恐爲虜所遮卽夜遣三校銜枚
先渡渡輒營陣會明畢遂以次盡渡虜數十百騎來
出入軍傍充國令軍勿擊常以遠斥候爲務行必爲
戰備止必堅營壁尤能持重愛士卒先計而後戰遂
西至西部都尉府日饗軍士士皆欲爲用虜數挑戰
充國堅守計欲以威信招降罕开及叔略者解散虜
謀徼極廼擊之時酒泉太守辛武賢奏欲用兵天子
下其書充國令與校尉以下吏士知羌事者博議充
國及長史董通年上議辨天子復下其書公卿皆主

昆彌安日前爲會宗所立德之欲往謁諸翎侯止不
聽遂至龜茲歲餘小昆彌爲國民所殺諸翎侯大亂
徵會宗爲左曹中郎將光祿大夫使安輯烏孫立小
昆彌兄末振將定其國而還明年末振將殺大昆彌
會病死漢恨誅不加元延中復遣會宗發戊己校尉
諸國兵卽誅末振將太子番卽會宗恐大兵入烏孫
驚番卽逃亡不可得卽畱所發兵墊婁地選精兵三
十弩徑至昆彌所在召番卽責以末振將骨肉相殘
殺漢公王子孫末伏誅而死使者受詔誅番卽卽手

如所策甘露二年薨年八十六諡壯侯子印以功拜

中郎將

舊志有辛武賢狄道人也今不載又有范明友隴西人以家世習外國事使護西羌昭帝

時爲度遼將軍封平陵侯考霍光傳不注明友何處人亦不敢載

段會宗字子松天水上邦人也竟寧中以杜陵令五

府舉爲西域都護騎都尉西域敬其威信三歲更盡

還拜爲沛郡太守以軍于當朝徙爲雁門太守數年

坐法免西域諸國上書願得會宗陽朔中復爲都護

會宗爲人好大節矜功名與谷永相友善谷永閱其

老復遠出予書戒之會宗旣出諸國遣子弟郊迎小

楊子阿成紀人善相馬傳之伏波將軍馬援語見援傳

郭整略陽人博洽多聞抱道自重安帝順帝之世公府八辟公車五徵皆不就

任棠漢陽人抱奇隱居事見名宦龐參傳

姜岐上邽人守道隱居名聞西州漢陽守橋元召以爲吏稱疾不就元怒勅督郵尹益偪致岐堅臥不起士大夫競往諫元元乃止

尹嘉漢陽人靈帝時爲祿福長祿福烈女趙娥親報

劍擊殺番邸官屬以下驚恐馳歸號泣罷去會宗還奏事公卿議會宗權得便宜宣明國威宜加重賞天子賜會宗爵關內侯黃金百斤復遣安輯烏孫明年病死烏孫中年七十五矣城郭諸國爲發喪立祠焉

東漢段熲會宗從曾孫舊志亦列之考其傳云姑臧人也今移之名宦

東漢

錫光略陽人爲交趾太守教民以禮義風俗漸變王莽篡位據郡不附光武卽位遣使歸順焉帝嘉其忠節拜大將軍

於史無考舊志亦無而省志有之或別有據耶

叔也朝臣莫有過之者吾請爲諸君分坐坐者皆屬
觀旣出往造河南尹羊陟延與語大奇之執其手曰
良璞不剖必有泣血以相明者矣陟乃與袁逢共稱
薦之名動京師士大夫想望其風采爭致禮命十辟
公府並不就終於家著賦頌箴誄書論及雜文十六
篇

周 璵

英雅記
作忠

字仲遠漢陽人獻帝初爲吏部尚書時

董卓弄權任用璵及侍中伍瓊等又以尚書韓馥等
爲諸州刺史馥等到官各舉義兵討卓璵瓊陰爲內

父仇手刃縣民李壽自詣獄嘉縱使去卽解印綬去
官

趙壹字元叔漢陽西縣人也體貌魁梧望之甚偉而
恃才倨傲爲鄉黨所擯乃作解擯又作刺世疾邪賦
以舒其怨光和元年舉郡上計到京師是時司徒袁
逢受計壹獨長揖而已逢望而異之令左右往讓之
曰下郡計吏而揖三公何也對曰昔酈食其長揖漢
王今揖三公何遽怪哉逢則歛衽下堂執其手延置
上坐因問西方事大悅顧謂坐中曰此人漢陽趙元

禁乃馳還州超復圍州溫夜從水中潛出明日賊見其跡遣人追遮之於顯親界得溫執還詣超超解其縛謂曰今成敗可見足下若從吾言反謂城中東方無救此轉禍爲福之計也不然今爲戮矣溫僞許之超乃載溫詣城下溫向城人呼曰大軍不過三日至勉之城中皆泣稱萬歲超怒切責之溫曰夫事君有死無二而卿乃欲令長者出不義之言吾豈苟生者乎超遂殺之

溫傳後附張恭父子不言爲何許人明一統志載八人物曰天水人恐是因便

而附會之與姑闕之以俟博雅

主卓聞兵起欲遷都長安瑛瓊固以爲不可卓大怒
曰卓初八朝二子勸用善士故相從而諸君到官舉
兵相圖此二君賣卓卓何用相負遂害之

李翕字伯都阿陽人嘗令澠池歷守三郡史逸其蹟

考之澠池武都之碑蓋良吏也

可泉秦
安志

清水志有王丹考本傳京兆下邳人也今
不載又有楊廣事見後隗囂篇中亦不載

魏

閻溫字伯儉天水西城人也以涼州別駕守上邳令
馬超走奔上邳郡人任養等舉衆迎之溫止之不能

欲還鄉里值京師失守秦王出奔密中司空蒯繆繆
弟司隸校尉組及中領軍華恒河南尹華蓀在密縣
建立行臺以鼎有才用且手握疆兵勸藩假鼎冠軍
將軍豫州刺史蔚等爲叅佐鼎遂奉秦王行至藍田
立王爲皇太子登壇告天立社稷宗廟以鼎爲太子
詹事總攝百揆梁綰與鼎爭權鼎殺綰以王毗爲京
兆尹鼎首建大謀立功天下始平太守麴允撫夷護
軍索綝並害其功且欲專權乃證其有無君之心專
戮大臣請討之遂攻鼎鼎出奔雍爲氏竇首所殺

舊志

薛夏字宣聲天水人博學有才魏武宿聞其名甚禮
遇之後文帝雅重其才黃初中爲秘書丞每呼薛君
而不名夏甚貧嘗顧其衣薄解御袍賜之征西將軍
曹休來朝帝引入座顧謂休曰此君秘書丞天水薛
宣聲也其見遇如此史未有考省志確鑿如此或別
有據存之舊志又有後漢姜維
及魏楊阜趙昂三人皆天水人異卽今伏羲在當
時爲涼州治而今不屬秦州姑闕之且此三人者亦
夫人而知
之者也

晉

閻鼎字台臣天水人初以豫州刺史屯許昌遭母喪

羯士衣甲持刀臨之以兵并竊其所賜衣服而去軻
視而不言了無懼色時咸以爲焦先之徒未有能量
其深淺也後求還季龍送以安車蒲輪蠲十戶供之
因歸秦州仍教授不絕其後秦人西奔涼州軻弟子
以牛負之爲成軍追擒并爲所害

舊志有董京考史云不知何許人

郭荷字承休略陽人璽之六世孫明究羣籍特善史
書不應州郡之命張祚遣使者以安車束帛徵爲博
士祭酒使者迫而致之及至署太子友荷上疏乞還
祚許之遺以安居蒲輪送還張掖東山年八十四卒

有陳安安反覆亂人事見兵戎及雜記中又孝義傳
言徽縣有傳祇傳引之考三國志祇父遐北地泥陽
人引之于
史無考

楊軻天水人也少好易長而不娶學業精微養徒數
百常食麤飲水衣褐緼袍人不堪其憂而軻悠然自
得劉曜僭號徵拜太常軻固辭不起曜亦敬而不逼
遂隱於隴山及石季龍嗣僞位備元纁束帛安車徵
之軻以疾辭追之乃發既見季龍不拜與語不言命
舍之于永昌乙第季龍欲觀其真趣乃密令美女夜
以動之軻蕭然不顧又使人將其弟子盡行遣魁壯

著浮圖賦世咸珍之銓綜內外刑政修理尤善斷獄
奸無所容堅及朝臣雅皆欽服性至孝初畱冀州遣
使參問其母動止或日有再三融爲將善謀略好施
愛士專方征伐必有殊功堅旣有意荆揚時慕容垂
姚萇等說堅以平吳封禪之事融每諫曰江東雖不
絕如縑然天之所相終不可滅堅弗納遂及於敗

苻朗字元達堅從兄子也性宏達神氣爽邁幼懷遠
操不屑時榮堅目之曰吾家千里駒也及爲方伯有
若素士耽翫經籍手不釋卷在任甚有稱績後晉伐

謚曰元德先生

苻雄字元才天水略陽臨渭氏洪季子堅之父也

洪堅

詳後
雜記

少善兵書多謀略好施下士有政術兄健僭位

爲佐命元勲權倖人主而謙恭奉法健常曰元才吾
姬旦也及卒健哭之歐血曰天不欲吾定四海耶何
奪吾元才之速也

苻融字博休堅季弟也少魁偉美姿度健封安樂王
融固辭健深奇之及長令譽彌高爲朝野所屬堅立
拜侍中聰明辨慧下筆成章耳聞則誦過目不忘嘗

偉人未可圖也堅不納伐晉敗歸慕容垂請往鄴展
墓堅許之翼諫曰垂猶鷹也饑則附人飽便高颺惟
宜急其羈絆不可任其所欲堅復不聽己而垂叛於
鄴慕容泓等叛於關中堅始用其言而已無及矣翼
號曰安邱公

姜平子天水人苻秦時爲秦州別駕堅饗羣臣皆賦
詩平子詩有丁字直而不曲堅問其故曰臣丁至剛
不可以屈且曲下者不正之物未足獻也堅笑曰名
不虛行因擢上第

青州朗遣使詣謝元於彭城求降元表朗許之既至揚州風流邁於一時善識味鹹酢及肉皆別所由或殺雞以食之既進朗曰此雞栖恒半露又食鵝肉知黑白之處檢之皆驗著苻子數十篇行於世

權翼略陽人其先殷武丁之子封於權周衰入楚爲權氏徙秦而居天水翼初爲姚襄叅軍後仕秦苻堅爲給事黃門侍郎與北海王猛太原薛讚並稱王佐之才堅令共典機密及堅將伐晉翼進諫曰晉祚雖微未聞喪德君臣和睦上下同心謝安桓冲皆江表

弟子受業者數百人亦皆兄處石季龍之末棄其徒
衆至長安潛隱於終南山結菴廬而止門人聞而復
隨之乃遷於倒獸山苻堅累徵不起堅將南征遣使
者問之嘉曰金剛火疆乃乘使者馬正衣冠徐徐東
行數百步而策馬馳反脫衣服棄冠履而歸下馬踞
牀一無所言使者還告堅不悟復遣問之曰吾世存
云何嘉曰未央咸以爲吉明年癸未敗於淮南所謂
末年而有殃也姚萇之入長安禮嘉如苻堅故事逼
以自隨每事諮之萇旣與苻登相持問嘉曰吾得殺

正統志卷之...

卷之...

三

呂婆樓略陽氏人也其先呂文和漢文帝初自沛徙焉世爲酋豪梁平老亦略陽氏也苻生僭立以婆樓爲侍中尚書平老爲特進苻堅將廢生謀之婆樓婆樓曰僕不足以辦大事里舍有王猛者謀略不世出宜請而咨之堅因婆樓以招猛一見大悅旣廢生堅以婆樓爲司隸校尉平老爲右僕射王猛薛讚皆爲中書侍郎與權翼並掌機密除生苛政秦大治婆樓官至太尉子光

詳後
雜記

王嘉字子年隴西安陽人也隱於東陽谷鑿堽元君

苻堅遣緯說堅求禪代之事堅問緯曰卿於朕何官
緯曰尚書令史堅歎曰宰相才也王景略之儔而朕
不知卿亡也不亦宜乎甚死緯與姚興滅苻登成興
之業皆緯之力也

宋尹冲死節其傳三
天水冀人也攻略之

姜龕天水人經明行修門徒數百姚興時教授長安
興聽政之暇每引龕講論道藝錯綜名理

姜岌天水人明於象數後秦姚興時當孝武太元九
年歲在甲申岌乃造三紀甲子元歷

梁後梁附

苻登定天下不嘉曰略得之萇怒曰得當云得何略
之有遂斬之及萇死萇子興字子略方殺登略得之
謂也嘉之死日人有隴上見之其所造牽三歌讖事
過皆驗累世猶傳之又著拾遺錄十卷其記事多詭
怪今行於世

尹緯字景亮天水人也少有大志每覽書傳至宰相
立勲之際常輟書而歎苻堅以尹赤之降姚襄諸尹
皆禁錮不仕緯晚乃爲吏部令史及姚萇奔馬牧緯
與尹詳龐演等推萇爲盟主遂爲佐命元功萇旣敗

起徐命擊之東昏軍乃退進號左將軍還鎮湘川輕
刑薄歛爲吏民所悅時朝廷始議北伐詔公則假節
先屯洛口公則受命邁疾謂親人曰馬革還葬此吾
志也遂疆起登舟至洛口前鋒接戰卽破敵兵會疾
卒謚曰烈公則爲人敦厚慈愛居家篤睦視兄子過
於其子家財悉委焉性好學雖居軍旅手不輟卷
尹正其先天水人後梁宣帝蕭詧初蒞雍州正爲其
府中兵叅軍擒張纘獲杜岸皆正之力及稱帝進正
位柱國封新野縣侯卒謚曰剛配食謚廟子德毅多

楊公則字君翼天水西縣人未弱冠隨父在軍中父戰死公則冒陣抱尸號哭氣絕良久徒步負喪歸由此著名後領白馬戍主氏賊李烏奴作亂攻白馬公則固守經時矢盡糧竭陷於寇杭聲罵賊烏奴壯之要與同事公則偽許而圖之謀泄逃歸齊高帝下詔褒美歷數郡太守清潔自持從梁高祖起義大軍至新林公則嘗登樓望戰城中遙見麾蓋縱神鋒弩射之矢貫胡床左右皆失色公則曰幾中吾腳談笑如初東昏夜選勇士攻公則柵軍中驚擾公則堅臥不

元魏

趙逸字思羣天水人也好學夙成仕姚興歷中書侍郎神鼎三年三月上巳帝幸白虎殿命百寮賦詩逸製詩序時稱爲善久之拜寧朔將軍赤城鎮將綏和荒服十有餘年百姓安之年踰七十手不釋卷凡所著述詩賦銘頌五十餘篇逸兄溫字思恭博學有高名姚泓天水太守劉裕滅泓遂沒於氏氏王楊盛盛子難當既有漢中以溫爲輔國將軍秦涼二州刺史及難當稱蕃世祖以溫爲難當府司馬長子廣夏中

權略官至大將軍

陳

趙知禮字齊旦天水隴西人涉獵文史善隸書陳高祖初引爲記室叅軍歷官黃門侍郎陳受命累進官天嘉元年進爵爲伯知禮沈靜有謀謨每軍國大事世祖輒令璽書問之累官領前軍將軍卒謚曰忠隴西自東漢徙襄武大槩與今秦州無涉官師人物載隴西皆似枝指然疑不能明不敢徑刪趙又天水望也聊復存之又考宋齊地理志南朝亦自有天水隴西有西縣則楊公則尹正趙知禮尙不知何許人也姑存

琰積三十餘年不得葬二親及蒸嘗拜獻末曾不嬰
慕卒事每於時節不受子孫慶賀慨歲月推移遷窆
無期乃絕鹽粟斷諸滋味食麥而已年八十卒遷都
洛陽子應等乃還鄉葬焉應弟煦字賓育好音律以
善歌聞於世位秦州刺史

逸伯父遷爲姚萇尚書卒長安劉裕滅姚泓徙遷子
孫於建業遷元孫翼翼從子超宗令勝遐叔隆穆等
魏太和景明中相尋歸魏翼翼粗涉書傳通率有器藝
初爲平昌太守甚有治稱遷光祿大夫卒

書博士第三子琰

琰字叔起遭亂乳母攜奔壽春年十四乃歸孝心色養飢熟之節必親調之皇興中京師儉婢簡粟糶之琰遇見切責勸留輕祗嘗送子應冀州娉室從者於路遇得一羊行三十里而琰知之令送於本處又過路傍主人設羊羹琰訪知盜殺卒辭不食遣人買糒刃得剩六糒卽令送還刃主刃主高之義而不受琰命委之而去初爲兗州司馬轉圍城鎮副將還京爲淮南王他府長史時禁制甚嚴不聽越關葬於舊兆

而朐城守者力竭降梁援軍多潰遐獨握節還猶坐

失利免官延昌中復起歷官終汾州刺史

楊機最有功名尹挺

由南齊歸魏亦有功名而其傳皆云天水人與
人故皆闕之時天水人閭慶與挺同歸魏

姜儉字文簡天水人少有幹用勤濟過人起家徐州

車騎府田曹叅軍轉太尉外兵叅軍蕭寶寅出討關

西引爲開府屬軍機謀略多所參預儉亦自謂遭逢

知己遂竭誠委託寶寅爲雍州仍請爲開府從事中

郎帶長安令儉弟素武定末中散大夫

趙令安孟蘭強皆天水白石縣人四世同居行著州

超宗身長八尺頗有將略太和末爲豫州平南府長史帶汝南太守後累遷官終河東太守初在汝南多所受納比官河東更自修厲清靖愛民百姓追思之遐初爲軍主以戰守功封牟平縣開國子後以輔國將軍出守滎陽時梁將馬仙琕攻圍朐城詔遐與劉思祖等救之仙琕見遐營壘未就徑來逆戰思祖望陳先退遐以孤軍奮擊獨破仙琕斬其軍主數人仙琕先分軍於朐城西阻水列柵以圍固城遐身自潛行觀水淺深結草爲筏銜枚夜進破其六柵圍遂解

美見稱當代理六子彥之倚之壽之禮之行之凝之
並有器望行之與兄弟深相友愛又風素夷簡爲士
友所稱璵從弟曉字仁略魏太尉虔子學涉有思理
釋褐員外侍郎遷鄴後寓居清河託從母兄崔悛宅
悛給以良田三十頃曉遂築室安居訓勗子姪無復
宦情武定末以世道方泰乃入郡從仕除頓邱守按魏
書璵曾祖寶傳云隴西狄道人其下又云私署涼王
嵩之孫然則狄道當作成紀而自寶以下子孫數十
皆應入志與然唐書宰相表又以
寶爲姑臧大房去成紀益遠矣

周

里詔並表其門

按魏書地理志天水郡南天水郡皆無白石縣而此傳文云文梁州上言

天水白石縣人趙令安孟蘭疆等云云疑非秦州也姑存之以俟考又舊志元魏有李實李冲父子諸人考實傳云隴西狄道人實既是高之孫不言成紀者何也冲傳亦止云隴西人西漢隴西天水應近東漢移之襄武遠矣今自魏以後諸李凡言天水隴西或隴西成紀者錄之單言隴西者不錄是或一道與天水亦是今成縣然舊屬秦州今地亦多入秦州故不可遺也

北齊

李璵字道璠隴西成紀人溫雅有識量爲司徒右長

史以明幹見稱累遷驃騎大將軍東徐州刺史解州

還遂稱老疾不求仕弟璿字道喻名在魏書才識之

而頗閑政事撫導鄉里甚得民和太祖之奉魏太子
西巡也至原州遂幸賢第讓齒而坐行鄉飲酒禮焉
其後太祖又至原州幸賢第歡宴終日賜與甚厚及
高祖西巡幸賢第下詔褒美四年授河州總管賢乃
大營屯田以省運漕多設斥候以備寇戎於是羌渾
歛迹不敢向東天和四年卒謚曰桓子端嗣端字永
貴從高祖平齊於鄴城戰沒贈上大將軍追封襄陽
公謚果端弟吉儀同三司吉弟崇位至太府中大夫
上柱國廣宗郡公崇弟孝軌開府儀同大將軍升遷

李賢字賢和隴西成紀人幼有志節不安舉動九歲
從師受業略觀大旨而已不尋章句或謂其不精賢
曰夫人各有志賢豈能疆學待問領徒受業耶唯當
粗聞教義補已不足至如忠孝之道實銘之於心問
者慙服年十四遭父喪撫訓諸弟友愛甚篤魏永安
中爾朱天光討万俟道洛於原州賢以計給道洛使
出奔率鄉人出馬千匹以助軍天光以爲原州主簿
遷高平令宇文泰討侯莫陳悅賢爲前驅有功授左
都督鎮原州大統四年授原州刺史賢雖少從戎旅

孤無所寄懷於是遂令遠兄賢代行州事後除大丞相府司馬軍國機務遠皆參之時河東初復民情未安乃授河東郡守遠敦獎風俗勸課農桑肅遏姦非兼脩守禦之備曾未期月百姓懷之太祖降書勞問尋授都督義州宏農等二十一防諸軍事遠善綏撫有幹略守戰之備無不精銳每厚撫外人使爲間諜敵中動靜必先知之至有事泄被誅戮者亦不以爲悔其得人心如此破東魏將段孝先賜衣馬諸物拜大將軍旋除尙書左僕射時太祖嫡嗣未建明帝居

縣伯孝軌弟詢少歷顯位大象末上柱國隴西郡公
賢弟遠字萬歲幼有器局志度恢宏嘗與羣兒爲戰
鬪之戲指麾部分便有軍陣之法郡守見而異之及
長涉獵書傳略知指趣而已魏正光末天下鼎沸勅
勒賊胡宗侵逼原州遠兄弟匿免定策東行崎嶇寇
境得達京師魏朝嘉之授武騎常侍遷守高平太祖
見遠與語悅之令居麾下魏文帝時積功授都督原
州刺史太祖謂遠曰孤之有卿若身體之有手臂之
用豈可暫綴於身本州之榮乃私事耳卿若述職則

基字仲和幼有聲譽美容儀善談論涉獵羣書尤工
騎射太祖召見奇之乃令尚義歸公主後以父勲封
建安縣公累遷至大都督進爵清河郡公武城二年
除江州刺史保定元年以憂卒宣正元年追贈官謚
曰孝子威嗣威起家上士歷遷至柱國

舊志有李弼兄弟周書云

遼東襄平人

權景宣字暉遠天水顯親人父曇騰魏隴西郡守贈
秦州刺史景宣少聰悟有氣俠宗黨皆歎異之太祖
平隴右擢爲行臺郎中加平西將軍秦州大中正大

長已有成德孝閔處嫡年尙幼冲乃召羣公謂之曰
孤欲立子以嫡恐大司馬有疑大司馬卽獨孤信明
帝敬后父也衆皆默未有言者遠曰夫立子以嫡不
以長禮經明義略陽公爲世子公何所疑若以信爲
嫌請卽斬信便拔刀而起太祖亦起曰何事至此信
又自陳說遠乃止於是羣公竝從遠議出外拜謝信
曰臨大事不得不爾信亦謝遠曰今日賴公決此大
議孝閔初進位枉國以子植謀晉公護事泄護誅植
併逼遠自裁建德元年護誅詔贈遠官謚曰忠次子

恭子如璋嗣位至開府膠州刺史如璋弟如玖儀同

大將軍廣川縣侯

舊志有楊薦傳云秦郡寧夷人考魏書有平秦郡所屬無寧夷縣寧

夷自屬咸陽郡豈西魏或周時改屬與然總非秦州也闕之

趙文表其先天水西人後徙南鄭世爲二千石父江

性方嚴有度量歷官開府封伯文表少而修謹志存

忠節能左右馳射好讀左氏春秋略舉大義起家爲

太祖親信保定中積功車騎大將軍儀同三司仍從

宇文貴使突厥迎皇后進止儀注皆令文表典之文

表斟酌而行皆合禮度以功別封伯陽縣伯遷蓬州

統初轉祠部郎中景宣曉兵權有智略從太祖拔宏
農破沙苑皆先登陷陣太祖以景宣守張白塢節度
東南義軍東魏將王元凱入洛景宣與延孫等擊走
之徵入朝封顯親縣男除南陽郡守郡鄰敵境舊制
發民守防三十五處多廢農桑而姦宄猶作景宣至
並除之唯脩起城樓多備器械盜斂迹民得肄業百
姓稱之立碑頌德太祖特賞粟帛以旌其能後遷豫
州刺史鎮荊州威行南服累有戰功累遷官天和初
授荊州總管十七州諸軍事進爵千金部公卒諡曰

祖遂得俱免累遷大官特賜鐵券恕以十死建德六年除并州總管時東夏再平人情尙擾穆鎮之以靜百姓懷之及隋高祖受禪下詔褒穆穆來朝高祖降坐禮之拜太師贊拜不名子孫在襁褓悉拜儀同一門象笏百餘表乞骸骨詔不許復上表請遷都許之年七十七卒謚曰明長子惇仕周至刺史先穆卒惇子筠以嫡孫襲數年爲其叔父渾賊殺之穆諸子惟雅頗佳少有識量周保定中累以軍功拜大都督隋開皇初進爵爲公餘皆至大官而無聞惟第十子渾

刺史政尚仁恕夷獠懷之後進位大將軍爵爲公子

仁海襲

舊志從一統志有趙昶趙善史云天水南安人今以昶入名宦

權襲慶天水人也父超魏秦州刺史襲慶周開府從
柱國楊忠與齊師戰於并州被圍百餘里襲慶力戰
殺傷甚衆刀稍皆折遂被害

隋

李穆字顯慶周大將軍遠之弟也少明敏有度量周
太祖委以腹心擒竇泰復宏農並有戰功河橋之戰
太祖所乘馬中流矢驚逸太祖墜於地穆以馬授太

謚曰襄有子元方嗣

崇字永隆英果有籌筭膽力過人周元年以父賢勲封迴樂縣侯時年尙小拜爵之日親族相賀崇獨泣下賢怪而問之對曰無勲於國而幼少封侯當報主恩不得終於孝養是以悲耳賢由此大奇之尉遲迥之起兵也遣使招之崇初欲相應後知叔父穆以并州附高祖其兄恂時爲元帥長史每諷諭之崇由是亦歸心焉開皇三年除幽州總管突厥犯塞崇輒破之其後突厥大爲寇掠崇率步騎二千拒之轉戰十

知名渾字金才偉姿貌美鬚髯仁壽元年從左僕射
楊素爲行軍總管破突厥阿勿俟斤於納遠川進位
大將軍旣賊筠因以計得嗣穆爵後爲人所陷宗族
誅徙穆子孫微矣而穆兄賢子詢崇最顯

詢字孝詢深沉有大略頗涉書記仕周以幹濟聞建
德三年武帝幸雲陽宮拜司衛上士委以畱府事周
衛王直作亂焚肅章門詢於內益火故賊不得入帝
聞而喜之後累以軍功加位大將軍封隴西郡公開

皇元年引杜陽水灌三趾原詢督其役民賴其利卒

懿尚書左丞哭少孤養母至孝年十四有人伐其父墓中樹者哭對之號慟因執送官見魏右僕射周惠達長揖不拜自述孤苦涕泗交集惠達爲之隕涕歎息者久之及長深沉有器局略涉書史周太祖引爲相府參軍事與齊人前後五戰虜獲甚衆吳明徹屢爲寇患哭勒兵禦之前後十六戰每挫其鋒以功授開府儀同三司哭與宗伯解其徵素不協徵後出爲齊州刺史坐事下獄自知罪重遂踰獄而走帝大怒購之甚急哭上密奏曰徵自以負罪深重懼死道逃

餘日師人多死遂保於砂城突厥圍之城本荒廢不可守禦曉夕力戰又無所食崇知必不免令其士卒曰崇喪師徒罪當死今日効命以謝國家乃挺刃突厥賊亂射之卒於陣年四十八贈豫郎中永濟堯六贈諸軍事豫州刺史謚曰壯子敏字樹生高祖以其父死王事養宮中者久之及長襲爵廣宗公起家左千牛美姿儀善騎射尚樂平公主女授柱國煬帝時楊元感反後城大興敏之策也

趙爽字賢通天水西人也祖超宗魏河東太守父仲

其以儉化民皆此類也卒後子義臣嗣官至太子洗馬

趙芬字士茂天水西人也父演周秦州刺史芬少有辯智頗涉經史周太祖引爲相府鎧曹參軍芬性強濟後歷諸職皆有聲績又明習故事武帝初拜內史每朝廷有所擬議衆不能決者芬輒爲評斷莫不稱善隋開皇初拜尙書左僕射與郢國公修律令俄以老病出爲蒲州刺史賜錢百萬粟五千石而遣之後以乞骸還賜車馬几杖被褥卒子元恪嗣與弟元楷

若不北竄匈奴則南投吳越徵雖愚陋久歷清顯奔
彼敵國無益聖朝今者炎旱爲災可因茲大赦帝從
之徵賴而獲免哭卒不言隋踐阼以哭曉習故事徵
拜尙書右僕射出爲異州刺史甚有威德哭常有疾
百姓奔馳爭爲祈禱其得民情如此異州俗薄市井
多姦詐哭爲銅斗鐵尺置之於肆百姓便之上聞而
嘉焉頌告天下以爲法嘗有人盜哭田中蒿者爲吏
所執哭曰此乃刺史不能宣風化彼何罪也慰諭而
遣之令人載蒿一車以賜盜者盜者愧慙過於重刑

簿秦孝王引爲記室轉長道令遷車騎將軍以功進
位大將軍歷數州刺史尋改爲汲郡太守有能名徵
入朝帝呼上殿勞勉之遷信都太守汲郡吏民扣馬
號哭於道數日不得出境其得人情如此後坐事免
官尋而突厥屢爲寇患帝以仁恭宿將頗有戰功詔
復本官領馬邑太守其後突厥復入定襄仁恭率兵
掩擊大獲六畜而歸

權武字武擗周開府襲慶子也以忠臣子起家拜開
府襲爵齊郡公武少果勁勇力絕人能重甲上馬嘗

皆明幹世事

李充隴西成紀人也少慷慨有英略開皇中頻以行軍總管擊突厥有功拜朔州總管甚有威名爲虜所憚後有人譖其謀反徵還京師上譴怒之充性素剛遂憂憤而卒陳永貴隴西胡人也本姓白氏以勇烈知名高祖甚親愛之數以行軍總管鎮邊每戰必單騎陷陣官至柱國

王仁恭字元實天水上邽人也祖建周鳳州刺史父猛鄜州刺史仁恭少剛毅修謹工騎射弱冠州補主

坐與交通帝庭譴之曰汝階緣宿衛以至大官何乃
附傍吾兒欲相離間也純曰臣本微賤下才過蒙獎
擢先帝察臣小心寵踰涯分陛下重加收採位至將
軍欲竭餘年報國恩耳比數詣齊王者徒以先帝先
后往在仁壽宮置元德太子及齊王於膝上謂臣曰
汝好看此二兒勿忘吾言也臣奉詔之後每於休暇
出入未嘗不詣王所臣誠不敢忘先帝之言於時陛
下亦侍先帝之側帝改容曰誠有斯旨於是捨之及
帝重征遼東復以純爲彭城畱守時百姓思亂盜賊

倒投於井未及泉復躍而出其拳捷如此後累功增封邑進位大將軍檢校潭州總管武常以南越邊遠治從其俗務適便宜不依律令而每言當今法急官不可爲上令有司案其事皆驗命斬之武於獄中上書言其父爲武元皇帝戰死於馬前以此求哀由是除名爲民仁壽中復拜大將軍封邑如舊

董純字德厚隴西成紀人祖和魏太子左衛率父昇周柱國純少有膂力便弓馬在周累以功歷官儀同

爵縣侯高祖受禪進爵爲郡公齊王東之尋拜也屯

留之以討賊帝怒斬使者大德獲全

李景字道興天水休官人也父超周應戎二州刺史
景容貌奇偉膂力過人美鬚髯驍勇善射平齊之役
頗有力馬開皇九年以行軍總管從王世積伐陳陷
陣有功進位上開府高祖奇其壯武使袒而觀之曰
卿相表當位極人臣景智略非所長而忠直爲時所
許帝甚信之擊叛蠻向思多破之明年擊吐谷渾於
青海破之進位光祿大夫五年車駕西巡至天水景
獻食於帝帝曰卿主人也賜坐楊元感之反也朝臣

日益純雖頻戰克捷所在蜂起有人譖純怯懦不能
平賊帝大怒有司遂希旨致純死罪

辛大德天水人大業中爲信都令誅剪羣盜甚得民
和會著作郎虞綽得罪亡命抵大德大德舍之歲餘
綽爲人所識告之吏執往江都斬之時併執大德大
德妻泣曰每諫君無匿學士今日之事豈不哀哉大
德笑曰我本圖脫長者反爲人告之吾罪也當死以
謝綽會有詔死罪得以擊賊自効信安吏民詣使者
叩頭曰辛君人命所懸辛君若去亦無信安矣使者

唐

趙慈景隴西人先尚高祖長廣公主高祖起兵或勸
亡去對曰母以我爲命且安往吏捕繫於獄京師平
引拜開化郡公爲相國府文學進兵部侍郎爲華州
刺史討堯君素戰死贈秦州刺史謚曰忠諸李單言隴西者不
錄趙則天水望又觀所贈官疑是秦州人也錄之舊
志有趙朝長安人徙居天水母沒廬墓刺血寫佛書
及父沒益毀瘠後朝死子光遠毀瘠如其父
詔表門墓一統志亦載入流寓而唐書無之

姜寶誼秦州上邽人父遠仕周爲秦州刺史朝邑縣
公寶誼游太學受書業不進去爲左翊衛以積勞爵

子弟多預焉而景獨無關涉帝曰公誠直天然我之
梁棟也賜以美女帝每呼李大將軍而不名其見重
如此十二年帝令景營遼東戰具於北平賜御馬一
匹名獅子駢時盜賊蜂起道路隔絕景遂召募以備
不虞武賁郎將羅藝與景有隙遂誣景將反帝遣其
子慰諭之曰縱人言公闕天關據京都吾無疑也後
爲高開道所圍遇救得出在道遇賊見害契丹韃靼
素感其恩聞之莫不流涕有世子謨

隋辛彥之傳稱
天水牛玄而玄

本傳云安

絳郡進平長安除相國胄曹參軍長道縣公薛舉寇
秦州以暮山西豪望詔安撫隴外委以便宜仁果平
擢秦州刺史帝曰昔人稱衣錦故鄉今以本州相授
所以償功涼州荒梗宜有以靖之暮至撫邊俗以恩
信盜賊衰止人喜曰不意復見大平官府改守隴州
以老去職貞觀元年卒贈岷州都督謚曰安子確

確字行本以字顯貞觀中爲將作少匠護作九成洛
陽宮及諸苑籞以幹力稱高昌之役爲行軍副總管
出伊州距柳谷百里依山造攻械增損舊法械益精

累永安縣公歷右武衛大將軍與裴寂拒宋金剛戰汾州兵合寂弃軍走竇璠爲所禽帝聞爲泣下曰彼烈士必不下賊死矣賜其家物千段米三百斛果謀還被害且死西向大呼曰臣無狀負陛下賊平詔迎其柩贈左衛大將軍幽州總管謚曰剛子協字壽善篆籀歷燕然都護夏州都督封成紀縣侯謚曰威姜謩秦州上邽人隋大業末爲晉陽長高祖在太原謩前識之謂所親曰隋政亂亡必有聖人受之唐公負王霸資度其必撥亂得天下乃深自結從平霍邑

賜不勝計帝在殿庭翫一嘉樹皎盛贊之帝遽令徙
植其家後將誅竇懷貞等皎與密議以功進殿中監
楚國公議者譏短皎任遇太過帝以其藩邸舊恩乃
下詔宣布之遷太常卿監修國史開元五年下詔放
歸田里使自娛久之復爲秘書監十年坐洩禁中語
爲嗣濮王嶠所劾詔免誅死杖之流欽州子慶初尚
新平公主生子寧爲帝外孫早貴幸能傳宮中聲調
亂後老病士載酒來則出伎搏髀笑戲觀者尙識承
平王孫故態也

遂與侯君集進平高昌戰有功璽書慰勞還爲金城
郡公帝將征高麗行本諫不從至蓋牟城中流矢卒
帝賦詩悼之贈左衛大將軍郕國公謚曰襄陪葬昭
陵子簡嗣行本性格敏所居官雖祁寒烈暑無懈容
加有巧思凡朝之營繕所司必諮而後行子柔遠美
姿容敷奏詳辯武后時至左鷹揚衛將軍通事舍人
內供奉子皎晦

較長安中爲尚衣奉御元宗在藩邸皎識其有非常
度委心焉及卽位授殿中少監出入臥內陪燕私賞

議恐必敗既而賊跡路塞而流品有叙衆乃伏

尹思貞字季弼天水人明春秋擢高第以親喪哀毀
除喪不仕左右史張說尹元凱薦爲國子大成每釋
奠講辨三教聽者皆得所未聞遷四門助教撰諸經
義樞續史記皆未就卒子愔領集賢史館圖書贈左
散騎常侍

吳郁兩當人肅宗時爲侍御史以直言被謫

權臯字士繇秦州略陽人晉安邱公翼十二世孫祖
文誕上庸太守有聲烈父倕與席豫蘇源明以藝文

晦起家蒲州參軍累爲高陵令治有聲遷長安令人
畏愛之開元初擢御史中丞先是永徽顯慶時御史
不拜宰相銜命使四方者廷中揖見後稍屈下至晦
獨徇舊體謂御史曰不如故事且奏遣公等由是臺
儀復振轉太常少卿時國馬乏晦請以詔書市馬六
胡州率得馬三十署游擊將軍詔可閑廐乃稍備除
吏部侍郎主選曹吏嘗請託爲姦前領選者周棘扈
藩檢室內外猶不禁至晦悉除之示無防限然處事
精明私相屬諉罪輒得皆以爲神始晦革舊示簡廷

大夫臯詭姓名以免元宗在蜀聞之拜監察御史會
母喪得風痺疾客洪州南北梗否踰年召命不至有
中人過州頗求取無馱南昌令王邁欲按之謀於臯
臯良久不答泣曰今何由致天子使而遽欲治之掩
面去邁悟厚謝浙西節度使顏真卿表爲行軍司馬
召拜起居舍人固辭李季卿爲江淮黜陟使列其高
行以著作郎召不就自中原亂士人率度江李華柳
識韓洄王定皆仰臯節與友善洄定常評臯可爲宰
輔師保華亦以爲分天下善惡一人而已卒年四十

相友終羽林軍參軍臯擢進士第爲臨清尉安祿山
籍其名表爲薊尉署幕府臯度祿山且叛欲行慮禍
及親天寶十四載使獻俘京師還過福昌尉仲暮暮
妻臯妹也密約以疾召之暮來臯陽啗直視暮而蹙
暮爲盡哀自含歛之臯逸去人無知者吏以詔書還
臯母母謂實死慟哭感行路故祿山不之虞歸其母
臯潛侯於淇門奉侍晝夜南奔客臨淮爲驛亭保以
詞北方旣渡江而祿山反天下聞其名爭取以爲屬
高適表試大理評事淮南採訪判官永王舉兵脅士

三歲甄品詳諦所得士相繼爲公卿宰相取明經初
不得員十九年大旱因陳時政數端帝頗采用之已
而拜禮部尚書同中書門下平章事累有執諍帝皆
聽納帝嘗問政之寬猛孰先對曰唐家承隋苛虐以
仁厚爲先太宗皇帝見明堂圖始禁鞭背列聖所循
皆尚德教帝曰誠如公言德輿善辨論開陳古今本
末以覺悟人主爲輔相寬和不爲察察名後爲山南
西道節度卒贈尚書左僕射謚曰文德輿生三歲知
辨四聲四歲能賦詩積思經術無不貫綜自始學至

六洞等制服行哭詔贈秘書少監元和中謚爲貞孝
子德輿

德輿字載之七歲居父喪哭踊如成人未冠以文章
稱諸儒問德宗聞其材召爲太常博士改左補闕貞
元八年關東淮南浙西大水德輿建言宜擇郡臣明
識通方者持節勞徠問人所疾苦蠲其租入帝乃遣
奚陟等四人循行慰撫裴延齡以巧倖進判度支德
輿疏斥其欺罔不省遷起居舍人歲中兼知制誥進
中書舍人獨直兩省久之知禮部貢舉真拜侍郎凡

趙昌字洪祚天水人始爲昭義節度府屬累遷虔州
刺史拜安南都護夷落嚮化後以兵部郎中裴泰代
之入爲國子祭酒未幾州將逐泰德宗召昌問狀時
年踰七十占對精明帝奇之復拜安南都護詔書至
人相賀叛兵卽走遷嶺南節度使降輯陬荒以勞徙
節荆南召入再遷工部尚書出爲華州刺史對麟德
殿趨拜強駛帝訪其所以頤養遷太子少保卒年八
十五贈揚州大都督謚曰成

舊志諸李宗室有元嘉
元軌外則有延壽中敏

康伯白與揆益與賀九人耳按李氏源遠流浸卽據
唐書世系所載仲翔始家狄道尙始家成紀尙卽漢

老未曾一日去書不觀嘗著論辨漢所以亡大指有
補於世其文雅正贍繹當時公卿侯王功德卓異者
皆所銘紀十常七八雖動止無外飾其醞藉風流自
然可慕貞元元和間爲縉紳羽儀云

子璩字大奎元和初擢進士歷監察御史有美稱以
薦爲中書舍人時李訓挾寵以周易博士在翰林璩
與舍人高元裕給事中鄭肅韓偓等連章劾訓傾覆
陰巧且亂國不宜出入禁中不聽訓誅時人多璩明
禍福大體能世其家

五代

王仁裕字德輦天水人也少不知書以狗馬彈射爲樂年二十五始就學而爲人儁秀以文辭知名秦帥辟爲秦州節度判官秦州入於蜀仁裕因事蜀爲翰林學士唐莊宗平蜀仁裕事唐復爲秦州節度判官廢帝舉兵得仁裕寘之軍中其馳檄諸鎮詔書告命皆仁裕爲之充翰林學士晉高祖入立罷爲諫議大夫漢高祖時累遷戶部尙書顯德三年卒年七十七贈太子少師仁裕性曉音律晉高祖初定雅樂宴羣

將軍廣之父則廣傳高傳及高祖本紀皆謂隴西成紀者是也然魏書載高孫寶曰狄道人豈又上本仲翔爲言耶唐書若李揆之屬皆曰隴西人豈隴西卽成紀與然有唐一代曷可勝志宗室若涵簡道彥之孝行義蔡道宗嗣唐王臯之戰功元名與戡之高尙宏與賢丕之夙慧憲與俠之讓國讓功漢之文思訓之肅適之夷簡峴與勉石與同之爲相外則載入隴西元道讓夷之屬可傳者多豈獨太白諸人已耶今標舉大凡傳皆從略外有辛秘隴西人由來辛氏多係狄道今亦不載又權氏三人考史未得而語似有據謹注於後權達略陽人崇本曾孫也世以文采政事爲二千石法達有士行吏才歷咸陽縣丞循理蹟和權隼字驚天水略陽人天寶末州里舉經明中正後守河南尉官至華州司士所至必聞其政而又學古不怠權允字幼明天水人苻秦安邱公翼裔孫童子時舅氏崔湜寄其文以爲無忌之侶其鄉舉也考功郎中蘇頲拔諸郡倅拜監察御史

宏肇用事喜以告訐殺人景思有奴言景思與李景
交通而私畜兵甲宏肇遣吏收景思奴謂吏曰景思
勇者得則殺之不然將失之也吏至景思迎前以兩
手抱吏呼冤曰我家在此請索之有錢十千爲受外
賂有甲一屬爲私畜兵吏索之惟一衣笥軍籍糧簿
而已吏閔而寬之景思請械送京師以自明景思有
僕王知權在京師聞景思被告乃見宏肇願先下獄
明景思不反宏肇憐之送知權獄中日勞以酒食景
思旣械就道穎毫之人隨至京師共明之宏肇乃鞠

臣於永福殿奏黃鐘仁裕聞之曰音不純肅而無和聲當有爭者起於禁中已而兩軍校鬪昇龍門外聲聞於內人以爲神喜爲詩其少也嘗夢剖其腸胃以西江水滌之顧見江中沙石皆爲篆籀之文由是文思益進其平生所作詩號西江集仁裕與和凝於五代時皆以文章知名又嘗知貢舉仁裕門生王溥凝門生范質皆至宰相時稱其得人

唐景思秦州人也幼善角觝以屠狗爲生後去爲軍卒累遷指揮使漢高祖時爲汾淮巡檢漢法酷而史

天數邪延義言王者撫天下當以仁恩德澤漢法深
酷刑罰枉濫天下稱冤此其所以亡也是時太祖方
以兵圍蘇逢吉劉銖第欲誅其族聞延義言悚然因
貸其族二家獲全延義事周爲太府卿判司天監以
疾卒

宋

尹崇珂秦州天水人父延勛歷三州刺史崇珂初事
周世宗於藩邸以謹厚稱從戰高平有功連進官宋
初出爲淄州刺史有善政民詣闕請刻石頌德太祖

其奴具伏卽奏斬奴而釋景思周師伐淮南以功遷
濠州行刺史兵攻濠州以戰傷重卒贈武清軍節度
使

趙延義字子英秦州人也曾祖省躬通數術避亂于
蜀父溫珪事蜀王建爲司天監每爲建占吉凶小不
中輒加詰責戒子孫曰數術吾世業然吾仕亂國得
罪者數矣子孫能以佗道進不必爲也然延義少亦
以此仕蜀爲司天監蜀亡仕唐爲星官延義兼通三
式頗善相人周太祖入京師召延義問漢祚短促者

卽棄城焚芻粟輦金帛東守劔門旣而賊攻劔州州
空無所資卽趨劔門仕衛迎擊之乃乘驛入奏擢尙
書度支員外郎度支使梁鼎言商人入粟于邊率高
其直而售以解鹽商利益博國用日耗請調丁夫轉
粟而輦鹽諸州官自鬻之仕衛曰安邊無大於息民
今不得已而調歛之又增以轉粟輓鹽之役欲其不
困何可得哉不聽遂行鬻議而關中大擾乃罷鼎度
支使以仕衛爲荆湖北路轉運使徙陝西召爲度支
副使上言關右旣弛鹽禁而永興同華耀四州猶率

命殿中侍御史李穆撰文賜之遷保信軍節度未幾
南漢開府樂範容州都指揮使鄧存忠韶州賊帥周
思瓊春恩都指揮使麥漢瓊等據五州之地以叛
崇軻討平之卒贈侍中弟崇珪歙州刺史子昭吉官
至洛苑使昭輯至供奉官閤門祗候

李仕衡字天鈞秦州成紀人進士及第調鄆縣主簿
田重進守京兆命仕衡鞫死囚五人活者四人重進
卽其家謂曰子有陰施此門當高大之徙知彭山縣
寇準薦其材徙知劍州王均反仕衡度州兵不足守

羣盜妻子寘棘園中仕衛至悉縱罷之其徒有梟賊
首至者入爲三司使帝作寬財利論以賜之乃更陝
西入粟法使民得受錢與茶舊市羊及木責吏送京
師而羊多道死水至湍險處往往漂失吏至破產不
能償仕衛乃許吏私附羊免其筭使得補死者聽民
自採木輸官用入粟法償其直拜尚書左丞改同州
觀察使知陳州州大水築大堤以障水患後坐其婚
有罪分司西京卒子丕緒蔭補將作監主簿累官至
司農卿致仕丕緒居官廉靜不爲矯激家多圖書集

賣鹽年額錢請減十之四詔悉除之累遷河北轉運使建言河北歲給諸軍帛七十萬而民艱於得錢悉預假於里豪出倍償之息以是工機之利愈薄方春民不足請戶給錢令夏輸帛則民獲利而官用足矣詔優其直乃推其法於天下以爲河北都轉運使棣州污下苦水患仕衡奏徙州西北七十里旣而大水沒故城丈餘明年旱蝗發積粟賑民遷尙書工部侍郎權知天雄軍民有盜瓜傷主者法當死仕衡以歲饑奏貸之盜起淄青間遷刑部侍郎知青州前守輔

罰以爲西寧都護童貫招誘羗王子臧征僕哥邀仲武計事仲武曰王師入羗必降或退伏巢穴可乘其便但河橋功力大非倉卒可成緩急要預辦耳若稟命待報慮失事機貫許以便宜僕哥果約降而索一子爲質仲武卽遣子錫往河橋亦成仲武師師渡河挈與歸貫掩其功仲武亦不自言徽宗遣使持璫至邊賜獲王者訪得仲武召對帝勞之曰高永年以不用卿言失律僕哥之降河南緩定卿力也問幾子曰九人悉命以官賜閣門祇候仲武後九遷至節度使

歷代石刻爲數百卷藏之

劉仲武字子文秦州成紀人熙寧中試射殿庭異等
補官數從軍累轉爲涇原將夏人犯天聖砦力戰却
之遷皇城使知河州吐蕃趙懷德狼阿章衆數萬叛
命仲武相持數日潛遣二將領千騎扣其營戒曰彼
出勿與戰亟還伏兵道左二將還羌果追之遇伏大
敗斬首三千級復西寧州未幾懷德阿章降累進榮
州防禦使副高永年西征仲武欲持重固邈永年易
賊輕戰遂大敗仲武與夏人戰傷足朝廷閔之貸其

章貫與論燕雲事隆極言不可貫曰君能共此當有
殊拜隆曰隆武夫豈敢干賞以敗祖宗二百年之好
異時起釁萬死不足塞責貫知不可奪白以知西寧
州充隴右都護羌豪信服卒贈鎮潼軍節度使命詞
臣製碑帝篆額曰旌思

劉愿天水人天資耿介時王安石新說盛行學者靡
然向風愿獨謂其穿鑿潛心伊洛之學後以八行舉
程俊河池人幼時父母陷於西夏稍長捐家資往贖
之未得日夜泣請夏人爲感動遂歸之詔旌其門仕

請老再起卒於官年七十三贈檢校少保謚曰威肅
趙隆字子漸秦州成紀人以勇敢應募從王韶取熙
河大將姚麟出戰被重創謂曰吾渴欲死得水尚可
活時已暮有泉近賊營隆獨身潛往漬衣泉中賊覺
隆且鬪且行得歸持衣裂水以飲麟麟乃甦又從李
憲破西市師討鬼章外河諸羌皆以兵應之隆率衆
先至斧其橋鬼章失援乃成擒爲涇原將戰平川
功最多夏人寇涇原師至鐵山隆先登士皆殊死戰
夏人解去召詣闕徽宗慰勞之曰鐵山之戰卿力也

卽諺八字軍也於是錡始能成軍十年金人歸三京
充東京副留守所部八字軍纔三萬七千人益殿司
三千人皆攜其孥將駐于汴家畱順昌錡自臨安泝
江絕淮至渦口方食暴風拔坐帳錡曰此賊兆也至
暴兵卽下令兼程而進未至順昌三百里舍舟陸行
先趨城中諜報金人入東京知府事陳規見錡問計
錡曰城中有糧則能與君共守規曰有米數萬斛錡
曰可矣召諸將計事皆曰金兵不可敵也請還江南
錡曰吾本赴官畱司今東京雖失幸全軍至此有城

至康州防禦使

縣志云紹興中尚書劄子

劉錡字信叔仲武第九子也美儀狀善射聲如洪鐘
嘗從仲武征討牙門水解滿以箭射之拔箭水注隨
以一矢室之人服其精高宗初爲隴右都護與夏人
戰屢勝夏人兒啼輒怖之曰劉都護來張浚宣撫陝
西一見奇其才以爲涇原經略使紹興六年權提舉
宿衛親軍帝駐平江解潛王奇兩軍交關俱罷命錡
兼將之錡因請以前護副軍及馬軍通爲前後左右
中軍與游奕凡六軍每軍千人爲十二將前護副軍

則諺八字軍也於是錡始能成軍十年金人

敵稍却復以步兵邀擊溺河死者不可勝計圍四日
金兵益盛乃移砦於東村距城二十里鎬募壯士五
百人夜斫其營是夕天欲雨電光四起鎬復募百人
以往命折竹爲髑如市井兒以爲戲者人持一以爲
號電所燭則皆奮擊電止則匿不動聞吹聲卽聚金
人不能測終夜自戰積屍盈野退軍老婆灣兀朮在
汴聞之不七日至順昌鎬聞兀朮至募得言成等二
人諭之曰遣汝作間置汝綽路騎中汝遇敵則佯墜
馬爲敵所得敵帥問我如何人則曰太平邊帥子喜

可守奈何棄之敢言去者朝鑿舟沉之寘家寺中積薪於門戒守者曰脫有不利卽焚吾家於是軍士皆奮錡於城上躬自督厲取僞齊所造癡車以輪轆埋城上又撤民戶扉周匝蔽之城外有民居數千家悉焚之凡六日粗畢而游騎已涉潁河至城下圍順昌旣而三路都統以兵三萬薄城錡令開諸門金人疑不敢近初錡傳城築羊馬垣穴垣爲門至是蔽垣爲陣金人縱矢皆自垣端軼著于城或止中垣上錡用破敵弓翼以神臂强弩自城上或垣門射敵無不中

由之以濟錡遣人毒潁上流及草中戒軍士雖渴死
毋得飲於河時天大暑敵遠來人馬饑渴食水草者
輒病方晨氣清涼錡按兵不動逮未申間敵力疲氣
索忽遣數百人出西門接戰俄以數千人出南門戒
令勿喊但以銳斧犯之敵大敗拔營北去錡遣兵追
之死者萬數方大戰時兀木被白袍乘甲馬以牙兵
三千督戰兵皆重鎧甲號鐵浮圖戴鐵兜牟周匝綴
長簷三人爲伍貫以韋索每進一步卽用拒馬擁之
人進一步拒馬亦進退不可却官軍以槍標去其兜

聲伎朝廷以兩國講好使守東京圖逸樂耳已而二人果遇敵被執兀术問之對如前兀术喜曰此城易破耳卽置鵝車砲具不用翌日錡登城望見二人遠來縋而上之乃敵械成等歸以文書一卷繫于械錡懼惑軍心立焚之兀术至城下錡遣耿訓以書約戰兀术怒曰劉錡何敢與我戰以吾力破爾城直用靴尖趯倒耳訓曰太尉非但請與太子戰且謂太子必不敢濟河願獻浮橋五所濟而大戰兀术曰諾乃下令明日府治會食遲明錡果爲五浮橋於潁河上敵

翌日復戰復勝之敵望見順昌旗幟皆退走三十一
年金主亮南侵以錡節制各路軍馬敗敵於皂角林
明年錡卒贈開府謚武穆錡慷慨深毅有儒將風金
至亮之南也故舉南朝諸將問其下孰敢當者皆隨
姓名答如響至錡莫有應者

張俊字伯英成紀人好騎射負才氣年十六爲三陽
弓箭手從討南蠻攻夏人平鄆州河朔賊金人攻太
原命制置使种師中往援屯榆次俊時爲隊將進擊
殺傷甚衆請乘勝要戰師中以日不利急令退保金

牟大斧斷其臂碎其首敵又以鐵騎分左右翼號拐子馬所向無前至是亦爲鎡軍所殺敵敗遽以拒馬木障之少休城上鼓聲不絕乃出飯羹坐餉戰士如平時敵披靡不敢近食已撤拒馬木深入斫敵又大破之棄屍斃馬血肉枕藉車旗器甲積如山阜時洪皓在燕密奏順昌之捷金人震恐喪魄燕之重寶珍器悉徙而北意欲捐燕以南棄之會秦檜王和兵皆罷十一年金人敗盟攻廬和二州錡自太平渡江抵廬州據東關之險以遏其衝引兵出清溪兩戰皆勝

北遁俊勒兵追殺之汴京破二帝北遷俊首勸進高
宗卽位以俊爲御營前軍統制討杜用于淮寧趙萬
郭清于鎮江陳通于杭州蔣和尚等于蘭溪皆平之
尋破秀州賊數萬縛徐明斬之苗傳劉正彥之亂與
諸將平之拜鎮西節度尋爲浙東制置使兀朮攻臨
安帝御樓船如溫州畱俊於明州以拒敵會除夕金
兵至城下諸將力戰殺之俊益戒將士毋驕情慮敵
必再至下令清野多以輕舟伏弩閉關自守正旦西
風起金人乘之果復攻明州俊與劉洪道坐城樓上

人譟俊計不行悉兵合攻圍益急榆次破師中死之
俊與所部數百人突圍而出金人圍汴京高宗時爲
兵馬大元帥俊勒兵從信德守臣梁楊祖勤王高宗
見俊英偉擢元帥府後軍統制從高宗至東平中書
舍人張徵自汴京齎蠟詔命高宗以兵付副帥還京
高宗問大計俊曰此金人詐謀爾今大王居外此天
授豈可徒往因請進兵高宗許之遂如濟州開啟乾
龍節迫夜有告高宗欲俟元帥謁香切以叛羣議集
諸軍屯備俊曰元帥不出姦謀自破賊窮黎明引軍

北遁俊勒兵追殺之汴京破二帝北遷俊首勸進高

州成勢迫絕江而遁號俊爲張鐵山復江州已而興
國軍等處羣盜聞俊兵至皆遁去馬進爲追兵所殺
成北走降劉豫諸郡悉平拜太尉金人與劉豫分道
入侵以俊爲淮西宣撫使薄諸淮大敗之獲其酋程
師回張延壽以獻劉麟兵十餘萬犯濠壽俊率大軍
與戰殺獲略盡降者萬餘人八年與金和九年金渝
盟三路都統自東南兩京分道來侵抵亳州俊收宿
亳諸軍擊之盡復衛真鹿邑等地十年復亳州進少
師封齊國公十一年敗金人于柘臯拜樞密使會秦

遣兵掩擊殺傷大當金人拔砦去未幾江浙羣盜蠭起授俊兩浙西路江南東路制置使羣盜悉平時金人殘亂之餘孔彥舟據武陵張用據襄漢李成尤悍疆據江淮湖湘十餘州連兵數萬久圖江州俊慨然請討遂改江淮路招討使成黨馬進在筠州豫章介江筠之間俊急趨豫章且曰我已得洪州破賊決矣乃歛兵若無人者金鼓不動令將士登城者斬居月餘進以大書牒來索戰俊以細書狀報之賊以俊爲怯俊諜知賊怠乃議戰大敗之復筠州乘勝追至江

州成勢迫絕江而遁號俊爲張賊山復江州已而興

和從劉錡敗金人柘臯兀朮復攻濠州子蓋又敗之
于周梁橋除興寧軍承宣使十三年帝幸俊第還鎭
江授少保淮東招撫使卒贈太尉謚恭壯

曹友聞字允叔栗亭人武惠王彬十二世孫也少有
大志登寶慶初進士授緜竹尉改辟天水軍教授賊
已被圍友聞單騎夜入與守臣張維糾民厲戰兵退
制置使製大旗書滿身膽以旌之已而兵復至友聞
罄家財招集忠義得健士五千人制置使李璘檄管
忠義領所部守山又檄捍七方開敵破關長驅入劍

檜王和俊首請納兵與檜意合言無不從薦士大夫
監司郡守者甚衆雖劉子羽自謫籍起家亦俊力也
加太傅進益國公尋進封清河郡王奉朝請二十一
年帝幸其第拜太師子弟皆遷秩再數年薨追封循
王子五人子琦子厚子顏子正子仁

張子蓋字德高俊從子父宏應募從俊軍河上金人
破開德府宏戰死子蓋初從韓世忠討苗傅補承信
郎從俊擊劉猗于藕塘授閣門宣贊舍人十年以興
復宿亳功遷登州防禦使元朮南侵子蓋從王德八

和從劉錡敗金人柘臯元朮復攻懷州子蓋從王德八

興速趨雞冠隘左軍統制王進據陽平關友聞登溪
嶺手執五方旗指麾甫畢兵數萬突至陽平關遂遣
進及遊奕部將王剛出戰又親帥帳兵及背嵬軍突
出陳前左右馳射兵乃解去特授友聞及弟萬皆節
制同戍軍馬明年扼仙人關諜聞北兵合西夏女真
回回吐蕃渤海軍五十餘萬大至制置使趙彥呐檄
友聞控制大安以保蜀口友聞馳書彥呐曰沔陽蜀
之險要吾重兵在此敵有後顧之憂必不能越沔陽
而入蜀又有曹萬王宣首尾應援可保必勝大安地

門友聞與弟萬各率所部取間道戰於白水江中流
兵退制置司檄駐閬州遂知天水軍北兵略河池抵
同慶友聞部分諸將各守一門偃旗伏鼓戒士卒俟
漸近鳴鼓張旗矢石並發又命將取間道出戰自提
重兵尾敵後大戰有功明年北兵圍制置司於青野
原友聞遣萬領兵由間道直趨青野原制置使竒萬
之勇令督諸軍戰友聞引精兵亦趨至夜半截戰圍
遂得解特授武德大夫左驍騎大將軍北兵破沔州
擣大安友聞遣摧鋒軍統制王資踏白軍統制白再

鐵甲經雨濡濕不利步鬪黎明敵兵益增廼以鐵騎四面圍驍友聞歎曰此殆天乎吾有死而已矣於是極口詬罵血戰愈厲與弟萬俱死事聞特贈龍圖閣學士大中大夫賜廟褒忠謚曰節官其二子承務郎堦進功郎萬特贈武翼大夫一子成忠郎

楊大全天水人宋末守叙州元兵入蜀戰死贈武節

大夫謚曰愍官其長子文仲而弟大淵子文安入元

復有名

舊州志有趙遠張詔董湜曹友慶四人徽縣志有崔立王煥二人考遠傳云其先秦人也

八世祖徙蜀之資州無論徙蜀已久卽秦人亦非指定秦州也詔傳云成州人立傳云聞封鄢陵人不知

勢平曠無險可守正敵騎所長步兵所短况衆寡不
敵豈可於平地控禦彥呐不以爲然一日持小紅牌
來速者七友聞議爲以寡擊衆非乘夜出奇內外夾
擊不可乃遣兵上雞冠隘多張旗幟示敵堅守友聞
選精銳萬人夜渡江密往流溪設伏親帥精兵二千
人疾馳至隘下先遣敢死士五百人衝前前軍不動
會大風雨諸將請曰雨不止淖淖深沒足宜俟少霽
友聞斥曰敵知我伏兵在此緩必失機遂擁兵齊進
內外兩軍皆殊死戰血流二十里西軍素以緜襲代

22.63 624 :1-8	
6513875	
直隶秦州新志	

借者单位	借者姓名	借出日期	还书日期

22.63
624
:1-8

6513875

注 意

- 1 借书到期请即送还。
- 2 请勿在书上批改圈点，折角。
- 3 借去图书如有污损遗失等情形须照章赔偿。

京卡0701

志與史誰誤皆從闕疑餘三人考史未得皆注於後
董湜天水人家多田未嘗親治稼穡好讀書以教子
爲樂任京師以錢萬緡買監書以歸後其子經四登
能書綬緯同擢第而約繼之曹友慶友聞弟也西城
滿子阿釐拒境不庭友慶力戰獲之天子勞以紋綺
賜襲父爵拜武德將軍佩虎符從汪參政殄滅滇寇
民賴以寧拜宣武將軍施州容美洞麥色釋侵叛友
慶出己金幣鈔錠傾誘歸欵詣闕待罪王煥徽州人
煥以進士知武當縣建炎間賊犯鈞州煥率邑人保
山寨賊至或勸之遁煥曰使吾有此心則不能與邑
人爲此謀耳遂力戰守之遷京西湖北路制置使授
忠訓郎弟焯修職郎知同谷縣主管勸農工事焯從
仕郎明一統志又有楊堯兩當
人少刻志於學仕爲進武副尉

